

摘藻堂四庫全書薈要

集部

欽定四庫全書蒼要卷一萬四千五百六十三

集部

元豐類藁卷五

宋 曾鞏 撰

古詩

送程公闕使江西

程侯昔使西山下
金印出懷光滿把
坐馳雷電破姦伏
力送春陽煦鰥寡
袴襦優足徧里巷
禾黍豐穰罄郊野
訟庭終日自虛曠
德宇平生本蕭灑
龍淵決水漲清沼

鳥背株林開廣廈蒼顏擁檻四山出翠色橫欄大江瀉
掌平百里露州郭髮密千甍銜屋瓦雲表數曲秀蘭蕙
鳳蓋相摩擢梧榭客來尚喜井投轄主禮寧論燭飛地
三吳月出照金戟百越風來吹玉罕羽釵絕艷舞回雪
寶劍諸儒談炙輠一尊放意受天籟萬累回頭真土苴
我思飛步綴登躡又欲生綃乞圖寫身縻東觀願雖阻
目注章門心豈捨過臨有幸破氛霧奮厲方欣入陶冶
齋航又自日邊去信節初從天上假舊邦往靖寄揮塵

新穀來輸付流馬，遙知素譽在民口。已有歡聲騰里社，
卻尋泉石引幽士。想憶沙塵笑勞者，何當一解豫章榻。
強賦土風令中雅。

遊金山寺作

候潮動鳴舫，出浦縱方舟。舟舉箔見茲山，歸然峙中流。朱
堂出烟霧，縹緲若瀛洲。十年入夢想，一日恣尋遊。屐履
上層閣，披襟當九秋。地勢已瀟灑，風颺更颼颼。遠挹蜀
浪來，旁臨滄海浮。壺觴對京口，笑語落揚州。久聞神龍

伏况觀鷺鳥投行緣石徑盡却倚巖房幽頗諧雲林思
頓豁塵土憂昏鐘滿江路歸榜尚夷猶

自揚子渡以兩
小舟夾引所乘

舟故云

方舟

答葛蘊

我初未識子已知子能文春風吹我衣暮召八九闍衆
中得子辭默計非他人方將引飛黃使出萬馬羣差之
在須臾氣沮不復論大明臨萬物我亦傍車塵相逢扶
桑側一揖意自親屈子果由我相示以無言同行千步

廊攬轡金馬門歸來客舍中未及還往頻東舟載子去
千里不遂巡今日坐甌越相望若三辰忽有海上使問
我及牆藩得子百篇作讀之為欣忻大章已逸發小章
更新清遠去筆墨畦徒識斧鑿痕想當經營初落紙有
如神勉哉不自止直可闕靈均我老未厭此特誇希代
珍朝吟忘日晷暮吟忘日曛發聲欲薦子自笑不足云

南湖行二首

二月南湖春雨多春風蕩漾吹湖波著紅少年里中出

百金市上裁輕羅插花步步行看影手中掉旗唱吳歌
放船縱櫂鼓聲促蛟龍劈水爭馳逐倏親忽遠誰可追
朝在西城暮南溪奪標得雋惟恐遲雷轟電激使人迷
紅簾彩舫觀者多美人坐上揚雙蛾斷瓶取酒飲如水
盤中白筍兼青螺生長江湖樂卑濕不信中州天氣和
東南溪水來何長若耶清明宜靚粧南湖一吸三百里
古人已疑行鏡裏春風來吹不生波秀壁如奩四邊起
蒲芽荇蔓自相依躑躅天桃開滿枝求羣白鳥映沙去

接翼黃鸝穿樹飛我坐荒城苦卑濕春至花開曾未知
蕩漿如從武陵入千花百草使人迷山回水轉不知遠
手中紅螺豈須勸輕舟短楫此溪人相要水上亦湔裙
家住橫塘散時晚分明笑語隔溪聞

種牡丹

經冬種牡丹明年待看花春條始秀出蠹已病其芽柯
枯葉亦落重尋但空槎朱欄猶照耀所待已泥沙本不
固其根今朝謾咨嗟

西湖二月二十日

平生拙人事出走臨東藩紛此獄訟地欣乘刀筆閒漾
舟明湖上清鏡照衰顏春風隨我來掃盡冰雪頑花開
滿北渚水綠到南山魚鳥日翔泳白雲時往還吾亦樂
吾樂放懷天地間顧視彼誇者錙銖何足言

北湖

常時泛西湖已覺烟水永北堤復誰開長涵一川靜久
幽由地偏跬步人跡屏我初得之喜指顧闢榛梗種花

延妙香插柳待清影飛梁通兩涯結宇臨四境包羅盡
高卑開拓極壬丙洒然塵滓消恍爾心目醒與物振滯
淹如人出奇潁日携二三子杖履屢觀省念時方有為
衆智各馳騁獨此得道遙固知拙者幸

百花隄

如玉水中沙誰為北湖路久翳荒草根未承青霞步我
為發其枉脩營極幽趣髮直而砥平驂騶可馳鶩周以
百花林繁香泣清露間以綠楊陰芳風轉朝莫飛梁憑

太虛峽榭躡烟霧直通高城顛海岱歸指顧為州長
材幸歲足秔稌與衆飽而嬉陶然無外慕

芙蓉臺

芙蓉花開秋水冷水面無風見花影飄香上下兩嬋娟
雲在巫山月在天清瀾素磔為庭戶羽蓋霓裳不知數
臺上遊人下流水柱脚亭亭插花裏欄邊飲酒權女歌
臺北臺南花正多莫笑來時常著屐綠柳墻連使君宅

秋懷二首

流水寒更淡，虛窓深自明。
褰帷遠鐘斷，擁褐晨香清。
油然素心適，緬彼外物輕。
因時固有應，在理復何營。
隱几公事退，卷書坐南榮。
只茲遠塵垢，何異山中情。

為州詎非忝，即事亮何成。
幸茲桑麻熟，復爾倉箱盈。
閭里凶黨戢，堦除囂訟清。
日攜二三子，飽食中園行。
念非形勢迫，免有彈弋驚。
幽閒固可樂，勿慕高遠名。

送李撰赴舉

湖水碧，槐花黃。
山川搖落，窓戶涼。
宿雲星稀，日東出青。

冥風高雁南翔華堂昨夜讀書客匹馬今朝遊大梁鋒
銛拂塵見飛影把握驚人持夜光康衢四闢通萬里天
駟得地方騰驤我留東山意頗卓屏棄外慮無毫芒子
能相從味冲漠捉筆勿暫遲歸裝

送韓玉汝

春日城東送韓玉汝赴兩浙轉運以池塘生春草園柳變鳴禽為韻得生字

野岸漲流水名園紛雜英旭景冠蓋集清談尊酒傾重
此臺省秀駕言江海行已喜懷抱粹况推材實精衆許
極高遠時方藉經營詎止富中廩固將澤東氓還當本

朝用不待芳歲更功名自茲始勿嘆華髮生

招隱寺

一徑入松下兩峯橫馬前攀援綠蘿磴飛步蒼崖巔昔
人此嘉遯手弄朱絲絃想當林間月獨寫山中泉此樂
非外得肯受世網牽我亦本蕭散至此更怡然偏憐最
幽處流水鳴濺濺

延慶寺會景純正仲希道介夫明叟納涼同觀
建鄴宮中畫像翰林墨蹟延慶寺者劉裕故

宅中有壽丘山

禪方壽丘山平昔宋公宅好風吹雨來暑氣一蕩滌我
與二三友歡言同几席神清軼埃壒趣合盡肝鬲嶺竹
翠尚新水花紅可摘以此侑尊酒隕然岸巾幘建業舊
丹青金鑿餘翰墨綽約桃李顏迢遙龍虎跡緬矣霸王
業信哉文章伯感古已躊躇慕奇復嘆息泊無勢利心
自覺衿慮適坐起相扳牽遲留日將夕

送豐稷

桃花染破南山青
漢江此時春水生
舟客相語人夜起
勁艣亂江羣雁聲
知君飄泊動歸思
告吾舉裝千里行
閱材壯思風雨發
綠鬢少年冰雪清
讀書一見若經誦
下筆千言能立成
精微自得有天質
操行秀出存鄉評
嗟從薄祿困流滯
能誘鄙俗消紛爭
絃歌躬勸士強學
田里堵安人力耕
嗟予據按但畫諾
遇事縮手方蒙成
雖知璞玉難強獻
欲掛塵榻空含情
歲寒不變迺知確
物理先否終當亨
維舟且盡今夕語
明日帆隨白鳥輕

不飲酒

不飲酒不善諧少年醒眼看花開况從多病久衰耗自
顧白髮垂鬢總縱遇花時少情思經春不曾啣酒杯布
穀但憂天雨少提壺謾聞山鳥催且坐蒲團紙窓暖兩
衙退後睡敦敦

初發襄陽攜家夜登峴山置酒

維舟沔南岸置酒峴山堂入坐松雨濕吹衣水風涼煙
嶺火明滅秋湍聲激揚乍釋塵垢累况餘燈燭光羊公

昔宴客為樂未遽央而我獨今夕攜家對壺觴頗適麋
鹿性頓驚清興長歸去任醕酏詎期誇阿強

高陽池

山公昔在郡日醉高陽池歸時誇醕酏更問并州兒我
亦愛池上眼明見清漪二年始再往一杯未嘗持念豈
公事眾又非筋力衰局促避世網低徊緹塵羈獨慚曠
遠意竊祿誠已卑

遊鹿門不果

方舟下秋瀨已遠漢南城念昔在郡日苦為塵網嬰低
心就薄祿實負山水情鹿門最秀發十里行松檉宿幌
白雲影入窓流水聲龐公昔抱道遯世此躬耕風雨塞
天地司晨獨先鳴故岩但聞說已覺醒朝醒及茲道途
出謂諧猿鶴迎顧值深潭阻獨憐幽思并不踏蘇嶺石
虛作襄陽行

漢廣亭

悠悠漢水長剡剡楚山密若與心目期爭從窓戶出太

守樸鄙人迂無適時術治民務不煩得意偷暇日北城
最頻登局促諧曠逸雲根辨毫芒鳥背臨律萃亦以樂
賓遊豈惟慰衰疾欲寄別後情嗟無少文筆

聞喜亭

聞喜名自昔廣亭臨漢津飛甍出萬屋地絕無纖塵盤
道城堞古遠林墟曲新靜覺耕釣勝幽宜鷗鷺馴賴此
荒僻郡幸容樸愚人閣鈴晝常寂齋釀寒更醇一尊且
勤設勿負頭上巾

劉景升祠

景升得二蒯坐論勝凶殘正當喪亂時能使憔悴寬續
紛多士至肅穆萬里安能收衆材助圖大信不難諸公
龍鳳姿有待久盤桓得一固足興致之豈無端乃獨采
樗櫟不知取椅檀蓋云器有極在理良足嘆

隆中

志士固有待顯默非苟然孔明方微時息駕隆中田出
身感三顧魚水相後先開迹在庸蜀欲正九鼎遷垂成

中興業復漢臨秦川平生許與際獨比管樂賢人材品
目異自得豈虛傳

蔡州

蔡州昔人居遺堵不可尋青石久埋沒荒烟起空林昔
人依劉表意氣傳至今廣路競朱轂深藏閔黃金構
難琦琮間咎責積已深終貽覆宗累苟得非所欽為惡
理當爾足懲誇者心

谷隱寺

峴南衆峯外
窅然空谷深
丹樓倚碧殿
夔出道安林
習池抱隣曲
虛窓漱清音
竹靜幽鳥語
果熟孤猿吟
故多物外趣
足慰倦客心
但恨緹塵羈
無由數追尋

萬山

萬山臨漢準
峯嶺頗秀發
王繁舊居處
荒草久埋沒
解佩蓋已迷
沉碑終自伐
最宜北城望
正值氛藹歇
縹緲出烟雲
清明動毛髮
留連至歸時
長見西林月

題張伯常漢上茅屋

遠出清漢上，隱然一隄長。
槐柳若雲布，連陰入虛堂。
架險注鳴溜，分畦殖羣芳。
豈惟富桑柘，蓋有餘困倉。
主人事幽屏，不願尚書郎。
即此徇高志，風騷恣徜徉。
強起迫義重，還歸直明光。
清風凜然在，素壁盈文章。
故栖勿回盼，黃鵠本高翔。

移守江西先寄潘延之節推

憶昔江西別子時，我初折腰五斗粟。
南北相望十八年，俯仰飛光如轉燭。
子遺萬事遂恬曠，我繫一官常局促。

早衰膽氣自然薄，多病顛毛那更綠。
人情畦畛阻肝膈，世路風波悸心目。
每嗟太守兩朱輪，寧及田家一黃犢。
幸逢懷紱入斗牛，喜得披山收寶玉。
薄材頑鈍待磨琢，舊學搶攘期反覆。
雲鴻可近眼，先明野鹿尚縻顏。
自忸長鬚，幸未阻誨存下榻。
應容拜臨辱。

漢陽泊舟

暫泊漢陽岸，不登黃鶴樓。
江含峩岷氣，萬里正東流。
驚風孤雁起，蔽日寒雲浮。
祇役雖遠道，放懷成薄遊。
興隨

滄洲發事等漁樵幽烟波一尊酒盡室載扁舟

鄭口

昔與宜興
君同過此

我行去此二十年鄭水不改流潺湲風光滿眼宛如昨
故人乘鸞獨騰騫今人隨我不知昔我記昔遊何處言
淚向幽襟落如瀉况聞江漢斷腸猿

促促為物役

促促為物役區區追世情但嗟束縛急未覺章綬榮奈
此兩鬢白顧無一厘耕所求亦云幾脫粟與藜羹

鴻雁

江南岸邊江水平
水荇青青渚蒲綠
鴻雁此時儔侶多
亂下沙汀恣栖宿
羣依青荇唼且鳴
煖浴蒲根戲相逐
長無繒繳意自閒
不飽稻粱心亦足
性殊凡鳥自知時
飛不亂行聊漸陸
豈同白鷺空潔白
俛啄腥汙期滿腹

喜晴

天晴萬里無纖風
江平水面磨青銅
光華逸發萬物上
精氣愛與扶桑通
我行江漢道苦惡
十步九折遺西東

况遭積雨駕高浪沙翻石走相撞春操舟衆工立噤岸
溼櫓鑽火磨星紅荒蹊成潄尺寸礙永日四望無人蹤
一時得意數蛙龜鳴躍振踞泥塗中陰消陽勝有先兆
宇宙丹翠含冲融今晨靈暄一掃蕩羲和徐行驅六龍
眼明意豁萬事快預喜來年麩麥豐

酬王正仲登嶽麓寺閣見寄

聞君東南使攬轡雲松間皇華照楚甸吉玉投衡山幽
尋得臨觀意豁窮躋攀顧我客牛斗三年踈往還低心

念弱志引領望哀顏未共尊酒樂良嗟人事艱叱馭犯
冰雪迴鑣馳九關何足慰離思德音鏘佩環

訪石僊巖杜法師

杜君袖銜丹砂書一顧訶斥百怪除聲如翻河落天衢
四方爭迎走高車方瞳秀貌白髮垂買船東南尋舊居
石巖天開立精廬四山波瀾勢爭趨君琴一張酒一壺
笑談衮衮樂有餘我今歸來尚踟蹰羨君決發真丈夫

曉出

曉出城南羅卒乘早燾采旗密相映
纔躡距躍良家子
鵝鶴彌縫司馬令奪標一一飛步疾
槃槃兩兩翻身勁
霸上今朝且戲兒
衛青異日須天幸

和貢甫送元考不至

蓬山有行客欲上北城舟學問本閎博
言談非謬悠嘗
陳帝王略得試紫雲樓一時驚豪捷
况復富春秋朋遊
所欣附爭欲致綢繆承明動鄉思
歲久道苦修忽懷淄
川組夙昔願始酬出餞集儔侶
情歡期少留酒闌竟不

至睠睠久臨流微我獨有咎此詩聊可求

京師觀音院新堂

九衢言語亂人耳三市塵沙眯人目猿狙未慣裏章綬
魚鳥寧忘慕谿谷悵無栖宿在清曠欲弄潺湲愈煩燠
道人誰氏斥佳境決漢披霄敞華屋駢羅嶷嶷三秀石
藪迸娟娟兩修竹雲蒸雨泄被岩壑海倒河垂動林麓
頓驚俯仰遠囂濁豈直形骸擺羈束解衣堅坐瞑忘返
飲水清談心亦足丈夫壯志須坦蕩曲士陰機謾反覆

青鞋赤烏偶然爾安用區區巧追逐

元豐類藁卷五

謹案卷四第一頁後七行超突溪崖出又伏刊本
伏訛倚據彭本改

第六頁前八行幸無職事煩刊本煩訛顧據彭本
改

第九頁前二行萬里絕纖霧刊本霧訛霧據本韻
改

第二十一頁前四行徘徊望星漢刊本望訛至據
彭本改

總校官進士臣胡榮

校對官助教臣金學詩

謄錄監生臣趙興吾

欽定四庫全書薈要

集部

元豐類藁卷六

七

詳校官助教臣常循



欽定四庫全書薈要卷一萬四千五百六十四

集部

元豐類藁卷六

宋 曾鞏 撰



律詩

郊祀慶成

并進狀

右臣伏以皇帝陛下嗣位之初郊見上帝聖意重慎齋潔謹嚴始就帷宮則獨先羣臣宵興待事及至壇場則陟降陛級徹去裊藉至於薦獻之際則又端立

以須不肯即安退就便次所以至誠兢兢如此故得
天地祖宗眷顧臨饗華夷蠻貊觀聽欣喜惟初積陰
久而未解及輅車既駕則天宇湛然日光明潤可謂
能得使之主祭而百神享之福合於天且不違之聖
宜有歌頌被於聲律臣與在館閣以文字為職不敢
以菲薄自止謹作五言郊祀慶成詩一首凡一百二
十字干冒宸嚴臣無任惶恐激切屏營之至謹隨狀
上進以聞

即祚謳歌後欽柴禮數新
盛容超曠代樂貢盡殊隣
宿戒臨行殿宵興絕衆臣
立須空便次步進却柔裯
外物雖多品天心在一純
高靈終享德羣望亦依仁
暗藹如無間遲延若可親
欲知精意答預覩太和臻
積暄沈遙甸浮陽上綺園
靄雲生斐亶愛景駐逡巡
厚慶歸清廟餘釐及兆人
還宮動前蹕喜氣入韶鈞

仁宗皇帝挽詞三首

納諫終無悟知人久更明
恩波通四海壽域載羣生
異

俗衣裳會諸儒雅頌聲威靈空想象盛德詎能名
日轉歸人外天移入畫中冕旒餘澤在警蹕舊儀空卜
宅三州繞方表萬里通初寒石門路松檜颭悲風

滄海難回日青雲如送春服喪三月徧遏樂四夷均感
格英靈在褒揚大號新依然社稷計王業付真人

英宗皇帝挽詞二首

已應南陽氣猶遲代邸來範鎔歸獨化綱理付羣材禹
會方無外虞巡遂不回空驚柏城仗蕭鼓送餘哀

繼文猶旦暮歸啓已謳吟畫手傳英氣書筠見德音鑄
銅餘故鼎啄草付春禽試望橋山路蕭蕭翠柏深

慈聖光獻皇太后挽詞二首

并進狀

右臣伏以大行皇太后在位四十有七年身處宮
闈聰明慈恕恭儉之德見於天下洽於衆論在仁
宗時有輔佐相成之道在先帝及陛下之日非特
始終孝愛兩義俱隆實有援立鎮撫之大功在先
帝之世從權當國既而還政以時明識獨見出處

應理自二帝三代秦漢以來母后功德未有巍巍
如此奄盡大期羣情痛怛陛下執喪哀慕外雖易
月內盡至性報復大恩誠禮備極蓋從古所未聞
今山陵有日臣愚淺薄無以自效謹撰成大行太
皇后挽詞二首繕寫上進臣無任悲哀感咽之至
謹具狀奏聞謹狀

祖烈鷹揚終食冀家聲泉湧舊興譙人倫風化歸三世
王室功勞屬兩朝長信深嚴餘羽衛闕宮崇大列宗祧衣

冠籍籍談遺事不盡鴻名對永昭

山河德履孚潛顯江漢仁風被邇遐
已輔乾坤成化育終符日月繼光華
和熹未寤還威柄明德猶疏抑外家
欲次徽音難彷彿空餘流恨入哀笳

送英川蘇祕丞

遠民歌舞戴昇平碧閣朱樓照眼明
鄉饌雨餘收白簟客尊秋後帶紅英
瀧鳴真水遙通海路入南山不隔城
材術如君有餘暇出遊應數擁雙旌

送陳郎中還京兼過九江新宅

艤舟金碧照溪沙
帆上風吹五兩斜
罷郡紫泥催向闕
過江紅旆引還家
因將舊社人攜酒
應喜新林樹見花
莫作山齋久留意
中臺虛位有清華

遣興

安州十首

青燈鬪鼠窺寒硯
落月啼烏送迴笳
江漢置身貧作客
溪山合眼夢還家
百憂忽忽丹心破
萬事悠悠兩鬢華
誰與建帆先度鳥
更無留滯向天涯

楚澤

楚澤荒涼白露根
盈虛無處問乾坤
蟲蟲旱氣連年有
寂寂遺人幾戶存
盜賊恐多從此始
經綸空建與誰論
諸公日議雲臺上
忍使憂民獨至尊

西亭

團扇頻揮到此亭
他鄉愁坐思冥冥
空羞避俗無高節
轉覺逢人惡獨醒
歲月淹留隨日老
乾坤狼狽幾時寧
欲知事事今何似
萬里波濤一點萍

盆池

環環清泚旱猶深
炳炳芙蓉近可尋
蒼壁巧藏天影入
翠奩微帶蘚痕侵
能供水石三秋興
不負江湖萬里心
照影獨憐身老去
日添華髮已盈簪

羈遊

麤飯寒齏且自如
欲將吾道付樵漁
羈遊事事情懷惡
貧病年年故舊疎
自古幸容元亮醉
凡今誰喜子雲書
何由得洗塵埃盡
恣買滄洲結草廬

南軒竹

密竹娟娟數十莖
早天瀟洒有高情
風吹已送煩心醒
雨洗還供遠眼清
新筍巧穿苔石去
碎陰微破粉牆生
應須萬物冰霜後
來看琅玕色轉明

浮雲樓和趙嘏

萬里聊供遠眼開
簷前不盡水聲哀
朝雲尚拂陽臺去
羽獵曾圍夢澤來
解帶欲留長日坐
傾壺難飲故人杯
迢窮萬里飄萍內
到此登臨更幾回

照影亭

河流縈檻色輝輝
無數幽禽入鏡飛
已映渚花紅四出
更涵沙柳翠相圍
不欺毫髮公雖有
太盡妍蚩道恐非
自笑病容隨步見
未衰華髮滿緇衣

晚望

蠻荆人事幾推移
舊國興亡欲問誰
鄭袖風流今已盡
屈原辭賦世空悲
深山大澤成千古
暮雨朝雲又一時
落日西樓憑檻久
閒愁唯有此心知

書閣

自憐野性生來拙誰許交情晚最親
世路因仍憂檻穽他鄉衰暮傍風塵
惟將菽藿還求志未有秋毫可為人
一畝蕭然須暫得欲偷閒日長精神

贈彈琴者

至音淡薄誰曾賞古意飄零自可憐
不似秦箏能合意滿堂傾耳十三絃

寄孫正之

貌癯心苦氣飄飄長餓空林不可招能舉丘山惟筆力
可磨雲日是風標詩篇綴緝應千首學術窺尋豈一朝
耳冷高談經歲遠江南春動雪還消

秋日感事示介甫

秋日氣已盛陰蟲朝暮聲烟雲斷溪樹風雨入山城沙
磧有遺虜旌旗多遠行生民苦未息吾黨恥論兵

簡翁都官

倦遊公府曳長裾笑上扁舟指舊廬自有文章真杞梓

不須雕琢是璠璣浮蛆滿甕嘗春酒垂露臨窓理素書
况得君賓同壯節一鄉清問更誰如

陳祁秀才園亭

眼無塵土境殊清一繞芳蹊病體輕烟樹疑從古畫見
水軒真在碧天行君能極巧安山勢我欲忘歸聽竹聲
只恐主人難住此弟兄佳行滿鄉評

上杜相公

水為舟楫旱為霖社稷生民注意深豈謂便辭黃閣議

翻然求就紫芝吟始終好古儒林士進退憂時國老心
只有功名隨日遠不令空被管絃音

胡太傅挽詞二首

謹言留簡冊恭德載閨門福履三朝盛官儀一品尊九
原無復起萬事付誰論不必諸儒記清名久自存
遠畧參基命雄文入典章輶車俄就路瑞節始還鄉象
物陳虛寢哀歌寄奠觴惟應九原土松檜日蒼蒼

酬材叔江西道中作

枉渚荒源百里間，草根輕燒舊痕乾。
入陂野水冬來淺，對樹諸峯雪後寒。
塢笛最宜風外聽，嶺梅初得醉中看。
行尋故友心無事，不覺西遊道路難。

送雙漸之漢陽

楚國封疆最上流，夾江分命兩諸侯。
何年南狩牙樞出，六月西來雪浪浮。
夏口樓臺供夕望，秦川風物待春遊。
可能頻度漁陽曲，不負當年鸚鵡洲。

孔明

金史四庫全書卷六
稱吳稱魏已紛紛渭水西邊獨漢臣平日將軍不三顧
尋常田里帶經人

閔行

草軟沙勻野路晴竹枝烏帽稱閔行烏啼綠樹穿花影
風出青山送水聲轉覺所憂非已事儘從多難見人情
閔中我樂人應笑忙處人爭我不爭

贈安禪勲上人

詎知蕭洒吾廬舊却有高明此寺隣水竹迸生剛節老

秋山過抱翠嵐新，惟憐季子歸來困。白雲原思久更貧，
深識幽人風義厚。掃軒開榻最相親。

贈護仁監院

人負舉世今為甚，僧事新年始更多。食糲衣穿雖擾擾，
構虛基險自我誅。茅茨改築君初有，繫馬長吟我暫過。
但覺滿山金碧澗，不知誰到為烟蘿。

送覺祖明上人

冠石新墻日月回，豐堂環殿起崔嵬。鐘隨秋勢金聲壯，

佛隱寒雲玉座開
流水遠奔雙澗去
平林高擁四山來
麒麟細草東南路
一望松門意自哀

謁李白墓

世間遺草三千首
林下荒墳二百年
信矣輝光爭日月
依然精爽動山川
曾無近屬持門戶
空有鄉人拂几筵
顧我自慚才力薄
欲將何物弔前賢

送撫州錢郎中

名郎原是足風流
得郡東南地更幽
翠幕管絃三市晚

畫堂烟兩五峯秋黃柑巧綴星垂檻香稻勻翻雪滿甌
應與謝公資健筆邦人才薄詎能酬

送玉汝使兩浙

使傳東馳下九天此邦曾屈試鳴絃仁聲又向新年入
惠澤猶為故老傳翠巘烟雲生席上滄溟風雨到尊前
經營智畧多餘暇賞燕誰酬白雪篇

丁元珍挽詞二首

翰墨金聲遠神情玉氣溫節廉貧愈見風義老彌博舊

學資詳正新儀屬討論誰憐一麾出終不反修門
從軍王粲筆記禮后蒼篇謾有殘書在能令好事傳鵬
來悲四月鶴去遂千年試想長橋路昏昏隴隧烟

簡景山侍御

長年心事最相親一笑相疏忽數旬柏府地嚴方許國
芸臺官冷但容身飢腸漫竊公厨膳病髮難堪客舍塵
還有鹿門栖宿興想君他日肯為隣

送李莘太傅

鄴道鳴絃去容臺抱絕初塵沙開祖帳冰雪映征車久
待連城價誰騰一鶚書君王覽豪俊應復召嚴徐

遊天章寺

籃輿朝出踏輕塵拂面甍甍柳色新曲水豈能留往事
南湖空解照行人最宜靈運登山屐不負淵明漉酒巾
老去飄零心未折暫須同醉海邊春

送關彥遠

莫辭為我百分飲從此送君千里行物情眷屢尚須念

人道交親那可輕
渚梅江柳弄佳色
林鳥野蜂吟好聲
對之但醉餘可置
明日此杯誰共傾

送關彥遠赴江西

食藥飲冰廉士操
敝衣穿履古人風
溪堂興足登臨後
滕閣今歸嘯傲中
一榻高懸賓閣峻
二龍俱化縣池空
因過勝境須行樂
驛名方當急詔東

西園席上

省閣名郎國羽儀
瀛洲仙客衆著龜
山蹊向日花開早

海嶠經寒酒熟遲
下榻笑談紅旆偃
引觴醒醉玉釵隨
惟慚別乘疎頑甚
滿面塵埃更有詩

送孫穎賢

在秦州

穰穰秦州鐵馬羣
青衫吾子仕猶屯
高談消長才驚世
藐視公侯行出人
古氣欲遵奔日月
畏途曾觸滯荆榛
明夷夬決應斟酌
自向窮通有屈伸

送鄭州邵資政

江夏無雙譽
菑川第一才
笑談成黼藻
咳吐落瓊瑰
紫

氣鋒鋌露青冥羽翼開雋遊追幕府高步集蓬萊探討
篇章洽研磨術業該九霄新漢邸萬目注梁臺選擇真
儒用招延急詔催衣冠驚角綺賓友重鄒枚每右橫經
席寧虛置醴杯八荒披日月萬里散雲雷始去東山榜
俄參北斗魁廟堂竒計得羌虜輒心推帝念人求舊朝
須汝作梅避榮言屢切請外志難回際海歸訐畧連吳
入剗裁夕冰承命出畫錦過鄉來許國風猷壯容民宇
量恢節旄恩換鎮京室地稱陪賜覲親中宸通班接上

台壺漿空度洧公位在三槐

看花

春來日日探花開紫陌看花始此回欲賦妍華無健筆
擬酬芳景怕深杯但知抖擻紅塵去莫問鬢髻白髮催
更老風情轉應少且邀佳客試徘徊

會稽絕句三首送趙資政

花開日日去看花遲日猶嫌影易斜莫問會稽山外事
但將歌管醉流霞

花開日日插花歸酒盞歌喉處處隨不是心閒無此樂
莫教門外俗人知

年年穀雨愁春晚況是江湖兩鬢華欲載一尊乘興去
不知何處有殘花

送任達度支監嵩山崇福宮

漢陽門下士車騎幕中賓志節初皆壯風流久更新樞
庭承遠派郎位襲清塵雅淡琴聲古溫純玉性真詩書
來射策慈惠起臨人淮海褰帷久褒斜叱馭頻政平無

橫吏刑省絕寬民汴路揚旌出吳門擁節巡持權心似
水待物氣如春懋德垂承詔遺榮遽乞身行高寧繫俗
道勝不憂貧地絕分琳館西歸近紫宸鴻飛開羽翼驥
逸露精神却理烟霞宅重尋水石隣青蒿銷鶴怨碧落
見鷗馴故友欣聯壁諸儒慕塾巾學兼鴻寶異興與赤
松親激勸留方冊驚傳動縉紳浮雲雖抗意側席正逢
辰祇恐尊廉退丁寧致軟輪

送趙資政

好問逢真主能言邁古風
犯顏天意沃造膝衆情通
彈治心忘勢澄清誼匪躬
朝廷推指佞都邑避乘驄
白簡威方厲青規遇更隆
析符霄漢上開幕斗牛中
里聚追胥息階庭訟鉅空
紀綱官特進帷幄地彌崇
吏治連城肅倉儲絕塞充
錦官清鎮俗玉壘靜臨戎
膏澤涵荒阻春陽煦滯窮
鈞衡求雋望龜筮協淵衷
間出千齡合平居一德同
股肱康事力舟楫濟川功
遠大經綸略精微獻替忠
夕冰分外閭晝錦過江東
比戶仁聲入提封喜

氣融信深銷衆偽明盛破羣蒙正洽謳歌美俄更節制
雄保民追呂尚分土繼逢公溜水移幢碧牛山駐旆紅
魚鹽方舸集綺繡萬箱叢少憇驅千騎行歸冠百工袞
衣天下詠豈獨是控伺

過高士坊

一畝蕭然絕世喧抗懷那肯就籠樊功名晚更為餘事
菑異初嘗出至言郡閣已空徐孺榻里人猶識鄭公門
斯文未喪如由我後代當知李仲元

餘杭久旱趙悅道入境之夕四郊雨足二首

連章天上乞身閒
笑入吳船擁節還
一夜風雷驅旱魃
始知霖雨出人間

旌旗東下路塵開
六月風雲席上回
正恐一方人暍死
直將霖雨過江來

錢塘上元夜祥符寺陪咨臣郎中文燕席

月明如晝露華濃
錦帳名郎笑語同
金地夜寒消美酒
玉人春困倚東風
紅雲燈火浮滄海
碧水樓臺浸遠空

白髮蹉跎歡意少強顏猶入少年叢

送沈諫議

東南經濟得時英方底除書下漢庭將幕鼓旗驚白
晝諫垣冠劔動青冥指撝甌越歸談笑鎮壓江吳出醉醒
金鼎鹽梅須大用九霄應已夢儀刑

酬王徽之汴中見贈

黃流渾渾來沙際佳氣葱葱近日邊河漢槎雖通遠客
蓬萊風未縱歸船山城劇飲銷紅燭水驛高吟裊彩箋

老去相逢情自密不關清賞合留連

寄鄆州邵資政

蒙問敵邑山水之景見索新詩
重意之辱謹吟二百字上寄

鉛筆聾書客朱轡守土臣
素餐方側席黃髮已侵巾
喜有山圍郭仍憐水滿津
清華閉耳目瀟灑長精神
秋色來重寒聲雨後新
宿雲依戶牖流月過松筠
北圃分殊境西湖斷俗塵
渚花紅四出沙鳥翠相親
艾老含珠實魚驚躍錦鱗
飛梁凌窅渺虛榭壓滄淪
嶺對橫修竹洲分抱白蘋
靜宜人事拙閒覺道腴
真器小難周物官

微幸庇身簿書偷暇日杖屨想幽人
泝險飛遊艇探奇
漾釣緜形縻甘鶴怨心泰得鷗馴
督府恩容久芳箋訊
問頻門庭嚴衛戟尊俎從華紳
却起烟霞興還思水石
鄰自嗤田父樂那可薦鴻鈞

和邵資政

拂衣久欲求三徑竊食聊須把一麾
世路賤貧從所好
老年胸臆固無奇樊籠偶得滄洲趣
蕪類難酬白雪辭
督府由來恩禮厚每容商也與言詩

和孔教授

治煩方喜衆材同坐嘯南陽郡閣中
几案有塵書檄簡
里閭無事稻糧豐衣冠濟濟歸儒學
俎豆誥誥得古風
幸屈異能來助我敢將顏色在蜚鴻

喜雪二首

欲休還舞任風吹斷續繁雲作陣隨
已塞茅蹊人起晚
更迷沙渚鳥飛遲混同天地歸無跡
潤色山川入有為
太守不辭留客醉豐年喜兆可前知

雜雨零初急，因風灑更狂。
英華傾月窟，光氣瀉天潢。
宛轉花飛密，紆餘舞態長。
化材隨大小，成器任圓方。
秀已滋山國，清尤助水鄉。
色嚴齊上下，明盛析毫芒。
潤屋情誇誕，埋輪興激昂。
收功歸澤物，全德在包荒。
預喜倉箱富，潛知海嶽康。
蕭晨迎賀客，歌吹輒傳觴。

雪後同徐秘丞皇甫節推孔教授北園晚步

沙草正黃瀕，海意江梅還。
白故園情，循除遠水春前急。
繞郭空山雪後明，林影易斜寒日短。
角聲吹去暮雲平。

最慚佳客忘形契肯伴衰翁著屐行

郡齋即事二首

畫戟森門寵誤蒙從來田舍一衰翁困倉穰逢康歲
閭里恂恂有古風矧氏宿奸投海外伏生新學始山東
時大奸周高授海島
而學校講說尚書依然自昔興王地長在南陽佳氣

中

滿軒山色長浮黛繞舍泉聲不受塵四境帶牛無事
日兩衙封印自由身白羊酒熟初看雪黃杏花開欲探

春總是濟南為郡樂更將詩興屬何人

憶越中梅

浣沙亭北小山梅蘭渚移來手自栽今日舊林冰雪地
冷香幽艷向誰開

再賦喜雪

六花飛舞勢蹁躑點綴寒林態更妍山險龍蛇盤鳥道
野平江海變畝田人狂奔月非關夜馬健乘雲別有天
况值白羊新酒熟可能相就慶豐年

寄致仕歐陽少師

四海文章伯三朝社稷臣功名垂竹帛風義動簪紳此
道推先覺諸儒出後塵忘機心皎皎樂善意淳淳大略
才超古昌言勇絕人抗懷輕紱冕瀝懇謝陶釣耕稼歸
莘野畋漁返渭濱五年清興屬一日壯圖伸北闕恩知
舊東宮命數新鸞凰開羽翼騏驎放精神曠達林中趣
高間物外身揮金延故老置驛候嘉賓主當西湖月勾
留潁水春露寒消鶴怨沙靜見鷗馴酒熟誇浮蟻書成

感獲麟激昂疏受晚冲淡赤松親龍卧傾時望鴻冥聳
士倫少休均逸豫獨往異沉淪策畫咨詢急儀刑矚想
頻應須協龜筮更起為生民

元
豐
類
纂
卷
六

欽定四庫全書薈要卷一萬四千五百六十五

其部

元曲類藁卷七

宋 曾鞏 撰

律詩

冬夜即事

印奩封罷閣鈴聞喜有秋毫免素餐市粟易求倉廩實
邑无警里閭安香消一榻氍毹暖月淡千門霧凇寒
間說豐年從此始更回籠燭卷簾看

齊寒甚夜氣如霧
凝於木上旦起視

之如雪日出飄滿階庭尤為可愛齊人謂之霽
語曰霽松重霧松窮漢置飯覓以為豐年之兆

酬介甫還自舅家書所感

早氣滿原野子行歸舊廬
顙天高未動望歲了何如
荒土欲生火涸溪容過車
民期得霖雨吾豈灌園蔬

西湖二首

左符千里走東方喜有西湖
六月涼塞上馬歸終反覆
泰山鷓飽正飛揚懶宜魚
鳥心常靜老覺詩書味更
長行到平橋初見日滿川
風露紫荷香

湖面平隨葦岸長碧天垂影入清光一川風露荷花曉
六月蓬瀛燕坐涼滄海桴浮成曠蕩明河槎上更微茫
何須辛苦求人外自有仙鄉在水鄉

早起赴行香

枕前聽盡小梅花起見中庭月未斜微破宿雲猶度雁
欲深烟柳已藏鴉井轆聲急推寒玉籠燭光繁秉絳紗
行到市橋人語密馬頭依約對朝霞

席上

市井蕭條烟火微
兩衙散雪夜深時
若無一曲傳金盞
爭奈衰翁兩鬢絲

和陳郎中

才薄安時甘寂寞
身閒乘興喜登臨
每尋香草牽狂思
曾向幽蘭費苦吟
明月幾人非
按劔高山從古少
知音數篇清絕賡
歌意默見馮唐異俗心

雪後

雪景鮮妍猶弄色
柳條葱蒨已抽萌
風光冉冉流雙轂

人事悠悠寄一枰射羿未應今獨有嘲雄何必史能評
且將畫諾供談笑更選名園載酒行

舜泉

山麓舊耕迷故壟井幹餘汲見飛泉清涵廣陌能成雨
冷浸平湖別有天南狩一時成往事重華千古似當年
更應此水無休歇餘澤人間世世傳

閱武堂

五朝坏冶歸皇極萬里車書共太平胡馬不闕光祿塞

漢家常隸羽林兵柳間自詫投壺樂桑下方安佩犢行
高枕四封無一事腐儒何幸偶專城

環波亭

水心還有拂雲堆日日應須把酒杯楊柳巧含烟景合
芙蓉爭帶露華開城頭山色相圍出簷底波聲四面來
誰信瀛洲未歸去兩州俱得小蓬萊

鵲山亭

大亭孤起壓城顛屋角峨峨插紫烟灤水飛綃來野岸

鵲山浮黛入晴天少陵騷雅今誰和東海風流世謾傳
太守自吟還自笑歸來乘月尚留連

芍藥廳

小碧闌干四月天露紅烟紫不勝妍肯為雲住陽臺女
恐逐風飛石室仙消外送歸情放蕩省中番直勢拘攣
何如瀟洒山城守淺酌清吟濟水邊

水香亭

臨池飛構鬱岩堯櫺檻無風影自搖羣玉過林抽翠竹

雙虹垂岸跨平橋
煩依美藻魚爭餌
清見寒沙水滿橈
莫問荷花開幾曲
但知行處異香飄

靜化堂

脩簷轆轤背成陰
行盡松篁一徑深
好鳥自飛還自下
白雲無事亦無心
客來但飲平陽酒
衙退常攜靖節琴
世路人情方擾擾
一遊須抵萬黃金

仁風廳

凜凜風生寄此堂
塵埃消盡興何長
朱絃鼓舞逢千載

白羽飛揚慰一方已散浮雲滄海上更飛霖雨泰山傍
誰知萬物心焦日獨對松筠四座涼

閱武堂下新渠

方渠新鑿北林開流水遙經畫閣來洗耳厭聞誇勢利
濯纓羞去傍塵埃不憂待月供詩筆已欲看花泛酒杯
却憶虎谿橋上過夜涼臨砌尚徘徊

凝香齋

每覺西齋景最幽不知官是古諸侯一尊風月身無事

千里耕桑歲有秋
雲水醒心鳴好鳥
玉沙清耳漱寒流
沈烟細細臨黃卷
疑在香爐最上頭

北渚亭

四楹虛徹地無隣
斷送孤高與使君
午夜坐臨滄海月
半天吟看泰山雲
青徐氣接川原秀
常碣風連草木薰
莫笑一樽留戀久
下階塵土便紛紛

芙蓉橋

雁翅橫連杜若洲
碧闌干影在中流
蓬萊日日遊人到

誰道仙風解引舟

百花臺

烟波與客同尊酒風月全家上采舟莫問臺前花遠近
試看何似武陵遊

次道子中書問歸期

竊食東州歲未暮蓬萊人問幾時歸恁闌到處臨清泚
開閣終朝對翠微兩印每閑軍市靜雙旌多偃送迎稀
一枝數粒身安穩不羨雲鵬九萬飛

霧松

園林初日靜無風
霧松花開處處同
記得集英深殿裏
舞人齊插玉籠鬢

正月六日雪霽

雪消山水見精神
滿眼東風送早春
明日杏園應爛漫
便須期約看花人

寄顧子敦

清曠亭邊雁欲回
南湖分浪入城來
空山過牘猶藏雪

野岸先春已放梅三徑未歸聊自適一尊尋勝每同開
如今試想長松下玉麈高談豈易陪

二月八日北城閤步

土膏初動麥苗青飽食城頭信意行便起高亭臨北渚
欲乘長日勸春耕

咏柳

亂條猶未變初黃倚得東風勢便狂解把飛花蒙日月
不知天地有清霜

北園會客不飲

畫橋南北水西東
高下花枝綠間紅
殢得春風人盡醉
獨醒誰似白頭翁

西湖納涼

問吾何處避炎蒸
十頃西湖照眼明
魚戲一篙新浪滿
鳥啼千步綠陰成
虹腰隱隱松橋出
鷓首戔戔畫舫行
最喜晚涼風月好
紫荷香裏聽泉聲

喜雨

偶徇一官偷祿計便懷千里長人憂桑間舉箔蠶初繭
隴上揮鎌麥已秋更喜風雷生北極頓啟雲雨出靈湫
從今菽粟非虛禱會見甌窶果滿篝

雨後環波亭次韻四首

次李秀才得魚字韻

候月已知星好雨卜年方喜夢維魚從今撥置庭中事
最喜西軒睡枕書

次縮得風字韻

金匱口力
卷七
荷芰東西魚映葉樵舟朝暮客乘風清泉雨後分毛髮
何必南湖是鏡中

次維得禽字韻

黃蜀葵開收宿雨紫桑椹熟轉新禽看花弄水非無事
猶勝紛紛別用心

次綜得花字韻

丹杏一番收美實綠荷無數放新花西湖雨後清心目
坐到城頭泊暝鴉

去年久旱六月十三日入境得雨今年復旱得
雨亦六月十三日也

去年六月焦原雨入得東州第一朝今日看雲舊時節
又來農畔聽蕭蕭

到郡一年

薄材何幸擁朱軒竊食東州已一年隴上雨餘看麥秀
桑間日永問蠶眠官名雖冗身無累心事長閒地自偏
祇恐再暮官滿去每來湖岸合留連

孔教授張法曹以曾論薦特示長箋

綠髮朱顏兩少年出倫清譽每相先
壁中字為時人考
圯上書從老父傳
泮水笑談邀法飲
高齋閑燕屬佳篇
良翁厚幸懷雙壁
更起狂心慕薦賢

酬強幾聖

俯仰林泉繞舍清
經年閑卧濟南城
山田雨足心無事
水榭花開眼更明
新霽烟雲飛觀出
晚涼歌吹畫橋橫
寄聲裴令樽前客
祇欠高談一座傾

人情

人情當面蔽山丘誰可論
心向白頭天祿閣非真學士
玉麟符是假諸侯詩書落落
成孤論耕釣依依憶舊遊
早晚抽簪江海去笑將風月
上扁舟

寄王樂道

荊州南去困塵埃應喜文章
意自開名世正逢多事日
要途須用出倫材不回霜雪
天應惜未得風雲衆忍摧
若向沙頭弔杜甫近詩懸望
自書來

戲書

集賢自笑文章少為郡誰言樂事多
報荅書題親筆硯
逢迎使客聽笙歌
一心了了無人語
兩鬢蕭蕭奈老何
還有不隨流俗處
秋毫無累損天和

贈張濟

憶初蘭渚訪沈淪
一畝蕭然里舍貧
節行久窮彌好古
文章垂老更驚人
詩書就我論新意
冠劍投誰拂舊塵
山驛荒涼煩枉道
一觴相屬莫嫌頻

北渚亭雨中

振衣已出塵土外
卷箔更當風雨間
泉聲漸落石溝澗
雲氣迴壓金輿山
寒沙漠漠鳥飛去
野路悠悠人自還
耕桑千里正無事
况有尊酒聊開顏

送趙資政

鎮撫西南衆望傾
玉書天上輟持衡
春風不覺岷山遠
和氣還從錦水生
學舍却尋餘教在
棠郊應喜舊陰成
歸來促召調鑪冶
莫謂兒童竹馬迎

趵突泉

一派遙從玉水分
暗來都洒歷山塵
滋榮冬茹溫常早
潤澤春茶味更真
已覺路旁行似鑑
最憐沙際涌如輪
曾成齊魯封疆會
况託娥英詫世人

金線泉

玉甃常浮灩氣鮮
金絲不定路南泉
雲依美藻真成縷
月照靈漪巧上弦
已遶渚花紅灼灼
更縈沙竹翠娟娟
無風到底塵埃盡
界破冰綃一片天

北池小會

笑語從容酒慢巡
笙歌隨賞北池春
波間樓檻花迷眼
沙際朱橋柳拂人
金縷暗移泉溜急
銀簧相合鳥聲新
幸時無事須行樂
物外乾坤一點塵

送韓廷評

謝庭冠蓋舊追尋
僻郡相從喜更深
進道由來輕拱壁
傳經知不羨贏金
騶要試風沙遠
竹柏須忘霰雪侵
別後壯懷應努力
白頭傾耳聽徽音

寄孫莘老湖州墨妙亭

隆名盛位知難久，壯字豐碑亦易忘。
東木已非真篆刻，色絲空喜好文章。
峴山漢水成虛擲，大廈深簷且秘藏。
好事今推雪溪守，故開新館集琳琅。

鵲山

一峯孤起勢崔嵬，秀色揆藍入酒杯。
靈藥已從清露得，平湖長泛宿雲回。
翰林明月舟中過，司馬虛亭竹外開。
我亦退公思蠟屐，會看歸路送人來。

華不注山

水經華不注山虎牙桀立孤峯特起青崖翠嶺望如點黛輿地志又云亦

名金

輿山

虎牙千仞立巉巖峻拔遙臨濟水南翠嶺嫩嵐晴可掇
金輿陳迹久誰探高標特起青雲近壯士三周戰氣酣
丑父遺忠無處問空餘一掬野泉甘

靈巖寺兼簡重元長老二劉居士

法定禪房臨峭谷辟支靈塔冠層巒軒窓勢聳雲林合
鍾磬聲高鳥道盤白鶴已飛泉自湧青龍無迹洞常寒

金
卷七
更聞惠遠相從樂世道囂塵豈可干

和孔平仲

園池方喜共追尋正是槐榆夾路陰
雙燭縱談尊酒渌一秤銷日紙窓深
波濤萬字驚人筆塵土千鐘異俗心
佳句從來知和寡愧將沙礫報黃

兼一作金

郡樓

滿眼青山更上樓偶攜閒客此間遊
飛花不盡隨風起野水無邊帶雨流
懷舊有情惟社燕忘機相得更沙鷗

黃金駟馬皆塵土莫靳當歡酒百甌

鮑山

雲中一點鮑山青東望能令兩眼明若道人心是矛戟
山中那得叔牙城

鄆州新堂

百尺豐堂汶水濱魯侯清燕此逡巡谿寒素磔偏宜月
壁瑩黃金不受塵引客笙歌行處是賞心花木四時新
未應久作林泉主天子今思舊學臣

垓下

三傑同歸漢道興
拔山餘力爾徒矜
泣然垓下真男女
不悟當從一范增

離齊州後五首

雲帆十幅順風行
卧聽隨船白浪聲
好在西湖波上月
酒醒還對紙窓明

畫船終日扒沙行
已去齊州一月程
千里相隨是明月
水西亭上一般明

文犀剌刺穿林筍翠靨田田出水荷正是西亭消暑日
却將離恨寄烟波

將家須向習池遊難放西湖十頃秋從此七橋風與月
夢魂長到木蘭舟

荷氣夜涼生枕席水聲秋醉入簾幃一帆千里空回首
寂寞船窓祇自知

寄齊州同官

西湖一曲舞霓裳勸客花前白玉觴誰對七橋今夜月

有情千里不相忘

庭檜呈蔣穎叔

樛枝高下秀森森曾寄名卿

郎一作

異俗心草舍一時成

往事松身千尺見新陰聲清不受笙竽雜氣勁能遺霰
雪侵漢節從來縱真賞謝庭蘭玉載芳音

甘露寺多景樓

欲收佳景此樓中徙倚闌干四望通雲亂水光浮紫翠
天含山氣入青紅一川鍾唄淮南月萬里帆檣海外風

老去衣衿塵土在，祇將心目羨冥鴻。

孫少述示近詩兼仰高致

大句閎篇久擅場，一函初得勝琳琅。
少陵雅健材孤出，彭澤清閒興最長。
世外麒麟誰可係，雲中鴻雁本高翔。
白頭多病襄陽守，展卷臨風欲自強。

金山寺

塵外岑峯鷲嶺宮，架虛排險出青紅。
林光巧轉滄波上，海色遙涵白日東。
夜靜神龍聽咒食，秋深蒼鷲起搏風。

連荆控蜀長江水盡在迴廊顧盼中

水西亭書事

一番雨熟林間杏四面風開水上花岸盡龍鱗盤翠篠
谿深熬背露晴沙隴頭刈麥催行盃桑下繅絲急轉車
總是白頭官長事莫嫌粗俗向人誇


元豐類藁卷七

謹案卷六第十二頁前七行送闕彥遠按彭本注
云係古體誤入律內

卷七第四頁前五行恐逐風飛石室山刊本石訛
飾據彭本改

第十一頁前一行北渚亭雨中按彭本注云係古
體誤入律內





總校官進士臣胡榮

校對官助教臣金學詩

謄錄監生臣趙興吾